


空同集

十一卷之十五卷



空同先生集卷第十二

北郡李夢陽撰



詩 五言古詩四十首

感述

渡漢五首

雜詩三首

轅駒嘆

李廣

豫生

怨歌行

詠古鏡

葑菲嘆

有夢

雞鳴篇

馳景篇

時序篇

歲晏行

苦熱篇二首

潛龍篇

孔聖篇

有鳥二首

卧疾二首

值雪詠懷

至後上方寺酒集

上巴海印寺二首

春遊篇二首

春日洪法寺後岡

秋日重過上方寺

苦寒行

京師元夕有懷丘子兼憶舊遊而作

元夕友人見訪

月夜飲別徐氏

行省樹下

感述

渡漢五首

好游良有殫今朝竟言歸洶洶舟下濤亂之將疇依

異途各為趨同木相隨飛適觀千仞禽誰復瞻其輝

二

萬事雖貴豫數極誰竟猷竭來彈我劔且復三河游

迤東望濠梁慨言懷莊周黃鳥孰興篇扮榆廼見尤

三

於心懷佳山背之每自顧相逢鮮久要那得不念故

塞翁罔憂馬馬歸人始悟游女非召南千年沒貞素

四

霖雨濡我軌寒潦何滔滔墳畝峻徒悲漢流怒洪濤

思美嘆晨夕欲濟難容舫限隔豈固逃踟躕為誰切

五

閑登古樊城回望峴首山鷓鴣躍寒蓬疇念朱岑翰
小人競錐刀羊子迺探環智愚固生性融晦靡我嘆

雜詩三首

宛宛春田鳩飛鳴柔且閑一朝化為鷹肅肅厲羽翰
衆禽不敢並孤立秋雲端鳥旣不自知人胡究其然

二

絲絲谷中葛引蔓在修楚修楚伐爲薪葛也安所附
豈無絺與綌可以禦清暑烈烈嚴冬時憂君乏纒絮

三

汎汎河上舟搖搖靡攸止我欲維此舟川廣不可涖

振振鳧與鴈棲食在波水豈不良幽冥夙心耽樂此

轅駒嘆

世徑互險夷富貴安所需昔爲櫪中駿今爲轅下駒
白日仰悲鳴青雲立踟躕未蒙主人顧何由効馳驅
朝思碣石津夕睇流沙隅常恐侶凡蹇棄捐中路衢

李廣

李廣昔未遇射獵誰見稱君主猶未識他人寧不輕
日從田間飲夜止灞上亭醉尉前呼呵小吏亦見凌
一朝剖郡符飛蓋赴北平凭軾覽百邑樹羽寧干城
亭障不設燧櫜馬躍頓纓彎弓射虎歸淡淡黃雲生
自從結髮戰金鏑無虛鳴威愾五單于胡人寤寐驚

孰知身運乖數竒竟無成壯顏逐年衰白髮忽見嬰
寄言雄圖者俟命莫吞聲

豫生

士有氣相感殺身酬所知伯氏旣謝世族姓無子遺
噬炭甘若飴漆身亮何爲生旣荷君遇沒敢求君知
仇聞再三嘆攬淚惠新衣玉劔四五動左右神爲摧
愴哉彼流水迄今爲鳴悲行路仰嘆息芝蘭繞墳基
人生固有畢節義誠難虧

怨歌行

怨違情有悲懼聚理無欺懼怨非中則感離難重持
纔見春華交條已晨露滋秋風吹羅袂團扇不復施

團扇與羅袂用舍各有時炎寒啓迭運超曠多遠期
勿徒嘆捐棄恩愛倘中移

詠古鏡

熒熒堂中鏡皎皎懸秋月寵移明與奪勢滿光仍缺
美人昔提携拂拭生皎潔用以奉君子義投物不忽
良無刮磨費豈謂遠乖絕悲故情自懣爭妍道所劣
掩抑經冬春蕪蝕怨芳節黃鳥及候吟朱蘭有時歇
推移準運理顯晦遵前哲顯晦亦何憐所嘆在乖別

葑菲嘆

菁菁田中葑與與疆上菲托根豈誠異敷葉爲誰美
采掇女心嘆遵路勞情理鮮莖入素手終朝不盈筐

置之獨長惋技淚沾衣裏白華肇卑薄谷風啓怨誹
色衰使交離棄美因下體空瞻寸晷旋倏見巖飈起
徒持履霜戒誰念禦冬旨吟嘆非貞喻托物聊在此

有夢

濡迹古梁郊托茲洪河疆流景逝不處衆草忽已霜
玄雲駭崇原鳴風激空桑侯予竟此夕念獨涕沾裳
人欲天必從神交詎無方解襟即幽寐執袂奉顏光
道睽未終已舒體各異鄉鳴雞在東壁薄月鑒空床
精誠諒有合暫違寧詎傷

雞鳴篇

宛宛天運周雞鳴夜復日疾者寡長寐思者多寤嘆

癩憂積中腸緒理一何亂衆人沓經營君子樂行行
高山變爲陵深谷化爲岸願從詹氏卜乘槎問河漢

馳景篇

小至方浹辰居然留寒臘澄空暮霜斂雲物恣吐納
眷念河關阻悵望三川楫城陰多悲風馳景杳難接
遙憶鹿門駕緬軫馮驩缺

時序篇

邈矣時序邁悠悠羈思懸少歲覲飛龍振步躡雲煙
揚芬凌紫霄結駟覽黃淵王綱祇以穆四海屢豐年
晨趨謁雲陛晚沐踏京塵流觴擁華館藻翰飛陽春
逸者眷多暇壯士耻無聞徒閱芳華改何有尺寸勲

日月不我待倏忽星運移抱疴留茲夕憮然傷夙期
玄髮難久恃母令達者嗤

歲晏行

歲晏幽陰積寒霖夕館空浮雲起城闕浩眇安可窮
悠揚橫太虛回薄蔽鴻蒙我有一叢蘭種之良亦難
飄風忽來吹零露苦相殘勸君留此草蕭艾不可寶

苦熱篇二首

大運互伸縮二儀每驕蹇陽威苟不烈陰馭何能反
避暑躡清榭拭汗望幽巘密綠曠豐林萋蕪萎修坂
逃飲豈其性對食不能飯嗟彼馳騁子晨暮各忘返
執執古有經愚智詎相遠何當蘇海宇余亦遂仰偃

二

伏陰會當升愆陽固有期墻茨覆鮮實蟪蛄夕以哀
所虞大火流即值涼霜催軒轅製六律大舜彈鳴絲
四氣爲之和民生寡憂思古理日云邈季運安所師
我懷良已永炎曜况倭遲願言惠清飈颯然均此施

潛龍篇

驕陰不可制堅冰憂我衷陽馭倏來返玄律播陰風
譬彼晝與夜循環固難窮古人閑行旅九市禁相通
陽升懼不力靜以收其功養木當以萌養德當以蒙
眇哉一絲微柰此群陰攻脉脉淵泉底疇能拔潛龍

孔翠篇

孔翠耀其羽，迺爲俗所珍。神龍處九困，潛躍固有因。
小人役瑣屑，君子揚其芬。遐哉顏閔烈，千秋灑靈雲。
出事金玉昆，入奉堂上親。恩義苟不虧，豈必饌芳薰。
爰騁六藝圃，載泳詩書津。何當繼喬木，振珮躡高雲。

有鳥二首

有鳥東方來，長鳴向西北。竦身欲縛鳥，自顧無羽翼。
白日蔽高陸，玄陰視無極。風飈晝烈烈，積霰墮我側。
星紀雖云周，沴氣尚難測。逝者一何速，來者懼不力。
杖杜生道左，孤桐棄遐域。雖懷壯士情，詎補陽和德。

二

一爲羈旅士，遂使年歲積。人情感新故，慘慘不得釋。

夜視天上星，翳翳雲霞隔。陽道即光明，何由布德澤。
離居多永憂，悵念在今夕。借問悵念誰，是我同袍客。
豈謂涼暄殊，所嘆阻疆場。緘書寄游雲，會托南征翮。

卧疾二首

寒飈振䟽牖，十日歲華改。王孫怨修路，芳草若相待。
寸心百慮嬰，移疾屢朝晦。范甌蛛網生，翟門雀羅在。
嘆息中林蕙，望望何能采。

二

眠痾感歲晏，中意長刺刺。展策不能讀，對酒寡懽懽。
晨風激幽林，堅冰滿川澤。短景不可駐，倏忽變昕夕。
飛雲迅南征，歸鳥厲其翼。地北常苦寒，寤寐想溫域。

值雪詠懷

索居倦晨暮沓沓傷歲窮玄雲爲誰屯流霏夜常風
映隙旣窈窕穿窓亦玲瓏凌高似有綴填卑忽若崇
哀多雖稱物益寡竟誰功匪無盈尊酒斟酌解我忡
途路悵伊阻佳期杳莫同握瑾惜楚老投瑤怨國風
人欲天必從精感理能通鍾絃曠易絕郢調寡彌工
持爲知音說庶以折其衷

至後上方寺酒集

夕陰晦昏氛我行值嘉明白日展冬耀雪霽松林清
景異賞貴延朋集杯難停入筵午未端歸騎夕已冥
衝風振巖廊鈴索抗高鳴塔虛響先奔珠圓光易傾

超物慮可澹遺榮累果輕久枉証詮理一悟得所徵

上巴海印寺二首

勞生苦役役况乃值温陽林園有嘉榮蹊渚生柔芳
秉簡迹已陳袂襖難獨忘駕言適蓮宇迂紆陟虹梁
峩宮延暮色陂樹藹青蒼詎知幽勝區占茲佳麗鄉
居然心境寂彌增塵路傷

三

眺遠及麗辰登危開我襟秉炬躡佛樹杳杳夕光侵
芳湖遽澄鮮幽隍覆層陰畢景沒長甸輕霏變春岑
仰矚雙龍闕却瞻上苑林歸翼矯以翔鴻鴈多哀音
蒼蔚桃李場孰分松柏森

春游篇二首

東氣散廣陌北杓指青陬美人惜春陽鳴鑪事遨遊
遨遊覽萬物紆遲駐道周京邑藹九衢合沓喧輪騶
黃鳥集于林碧草生御溝御溝多垂楊芳樹夾朱樓
卑崇冒休澤鬱哉帝王州

二

朝遊東市陌暮出北城衢夕林何嶮岑華月耀西隅
宵征沂皇垣廻策遵玄湖春冰日以薄鳧鴈聚喧呼
逶迤浦淑貫金刹據中區前有三石梁宛若垂虹紆
却顧雲中觀翳翳蔽松榆

春日洪法寺後岡

暄陽入廣墟平阡暖煙蕪稅鞅尋高禪陟丘眺神都
白日麗中衢青霏藹林岨碧草一何萋叢葩亦已敷
纍纍誰氏墳嶒嶒三浮屠鑿石錮九泉雄構耀城隅
輿臺盜綺衣苔蘚封丹樞矯首視天宇剡剡浮雲徂
崇名古所欽多藏祗區區

秋日重過上方寺

居閑懷行游觸景慨時速昨來春華敷秋草條已綠
弱蘋布霜漣叢蘭委寒陸纍果媚西陽漂籜滿空曲
物遇信絲曠情移乃躑躅夷猶步前庭迤漉陟層麓
夕風一何厲行雲結相逐鐸音抗高聽塔影駭流矚
聿非封侯骨虛擬燕頤肉飛纓靡不榮芒屨諒應足

寄謝世上人吾久脫羈束

苦寒行

白日斂光曜北風如劒刃澤堅走鳴車冰雪峙千仞
登高望四海四海水將結蛟蛇壅巢窟虎豹潛於穴
嶺岼太行谷蒼莽陰山戎沙磧晝飛霜壘門吹烈風
鳥雀墮巖壁黃狐嘯空城居人掩關卧客子無復行
京師元夕有懷丘子兼憶舊遊而作

名都鬱坱壘浮雲蔭孤臺宿昔與丈人攬袂凌崔嵬
延眺殊未已明月從東來俯身覽九陌車馬何誼豕
朱門競笙竽鐘鼓趣行杯詎知前代人塞隧生青苔
金珠委瓦礫鉛華安在哉沉冥日云富感激令心哀
丈人方岳裔夙質謝塵埃婚嫁慕向子幽棲放頽坏
七十尚蛇蟄白衣潛草萊嗟余糾簪紱俛仰阻沿洄
逝將親逸躅榮盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤
逶迤帶紫陌車馬驅以馳繁燈張四衢都人競遊嬉
道者便靜性俗夫乏遠資林塘枉冠蓋繡綵非我期
金波低宛轉明星漸離離清光苟不虧永與浮雲辭

月夜飲別徐氏

仲月玄鳥集蚯蚓蟠于廬謁從徐氏飲置酒臨中除
明月一何光衆星爛高虛中有參與商相望憐不舒

人生雖有權詎得常相於夷猶廣庭內惻惻慘子祛
哲人重明德邁士懷離居離居諒復合行矣慎所須
行省樹下

中林潄雨積蕪徑暑日薄衆鳥集于樾鷓風眇焉託
披雲矚岑觀縹緲三阿閣踽踽懷昔賢擾擾疾焚錯
夷猶攀榮柯慷慨念幽壑

空同先生集卷第十二

空同先生集卷第十二

北郡李夢陽撰

詩

五言古詩四十四首

贈荅三十四首

贈四子

九子詠九首

贈姚負外二首

別諸生漢口

贈張含二首

送張含還金齒

酬提學陝西朱君以巡歷諸什見寄

酬秦子百泉之招人事羈滯頗興延阻之嘆

五首

將赴南邑借丘長公巾車

襄陽篇奉寄同知李公

寄題隴州閻氏林亭 送張六還京口

送裴生京師 送鄭淳

贈李僉事衢

將赴江西寄別殷伊陽明府

鳶山訪汪氏因贈 冬日撫州贈友

內弟玉園庄歸

悲悼七首

內弟左國玉挽歌 改營外舅大夫園域

熊御史卓墓感述 徐子墓

溫太真墓 澹臺滅明墓

孺子墓夏謁

詠物四首

孔廟松 犬詩二首

詠信州茗和鄭子

贈荅三十四首

贈四子

縣縣遠道積冉冉歲華晏米霜夕轉嚴星斗夜仍爛
蘭缸照寒戶旅士懷鄉縣方幸廁鱗鬪詎謂各分散
岐路忽在茲山川復悠緬王子萬人特英論薄煙漢
康生千里足邁景速流電瑰璋欽奉常秀朗推中翰
冲標汎光蕙逸思凌玄鴈所嗟異根株逝矣悲霜霰

興言念睽晤佳期阻權宴

九子詠九首

序曰九子者皆天下賢豪人也今乃合余於孟氏之堂祖行也慕義傷離悵然有感於前遊於是作九子之詠

劉戶部遠夫 大謨

遠夫振英駕乃自儀封里孟復旣鷹奮秉衡亦颺起
獻賦擬揚雄彈鋏笑馮子時異各睽隔蓬轉自茲始

王戶部遠伯 綰

矯矯王遠伯深心托玄素豈謂萬里空見此天馬步
獨行迕流議苦志涉煩務曰余駕鈍姿倘辱導前路

王職方錦夫 尚綱

職方昔垂髫邂逅在梁汝遊關匪豹隱攀邵遂齷齪
鴻詞振宛洛一一中音呂訪戴諒不惜縱鳧非所許

穆檢討伯潛 孔暉

清廟播芳嘆朱鷺激潛調沉冥會詮理刻苦光逾耀
注易在今茲醴酒企餘照載吟古離詠蹇拙慚賡紹

馬給事中敬臣 卿

敬臣閨闈彥處世恒自拘朝謁金馬門暮向青瑣趨
朝隱慕方朔修辭劇相如太阿不在掌非君獨嗟吁

陶行人良伯 驥

陶子三泖英妙小富篇翰至響本無聲隱璞疇能辨

運甓不云苦漉酒聊自玩解龜幸心許傾蓋荷清讌

馬進士君卿 錄

君卿素所昧密意宛相向醉酒似馬周讀書薄劉向
時人固不識古志益骯髒試覩同遊子磊砢盡英行

戴進士仲鵬 冠

南州實才窟小戴亦橫騫探鏤乃叨竊對孔豈在屢
左右佩采薺追趨信陽步傾城在夙昔贈我陸機賦

孟行人望之 洋

孟生瑚璉器英邁徵古篇登泰風所期望洋豈徒然
欽趨瞠顏後抗志耻盧先吾方把任釣倘借襄陽鱗

贈姚貞外二首

高鳥厭羣飛孤雲恒自輝綢繆誠靡垂何必久要期
傾蓋有芳訊白首則見疑蘄蘄龍沙濱風波暫徘徊

二

零濛不澤物衝風夕曾波送歸念維楫眇言望江河
鴻逝摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變旦暮六日達漢湄
人心重攸愛酬德視其施伊茲匪不辛所急非睽離
晨颺望我帆夕也宿共涯浮月每皓皓逆雲遽逶迤
情淵分有窮愴子當分垂昔為同池萍今向東西開
大別峙鬼鬼林蟬暮何哀俛首前逝波倚艫各徘徊

贈張舍二首

已嚴蓬池駕遽返夷門歇商風動榮草簷雨鳴不絕
客病良易積况值變華節悠悠城西館倏爾雙經月
昔至體流汗莎雞傷戶聒子也苟寧志川廣豈難越

二

流光逝忽忽天地一何軋六月子來至月也今已八
客子悲遠道時氣侵肅殺豈不念爾單室邇泥路滑
三日兩磨歌一日一通札寂軒倚衰柳柰此夕鳴蜩
父母不下堂歸軫何時轄

送張舍還金齒

百憂強自排感之輒復積亦知別心苦所柰懽愛客

迢迢西南夷嘆子此行役出雲懷舊山倦鳥厲歸翮
時情苟靡遭勉合亮奚益還道尚云遠去去加食飯
爾提學陝西朱君以巡歷諸什見寄

煌煌百二宅懷里念前都孰無雍門哀恨役久長途
登賦時有望所苦言辭麇自蒙新什惠披玩忘晨晡
䟽越發潛響爛若湍錦舒慙亦作者未欲畫安我愚
瀏瀏回中吟宛遊秦隴隅清渭韻泱泱南山筆魏如
誰云篇目寡已包千里餘讀既搖我心倘附西飛鳧
鼎秦子百泉之招人事羈滯頗興延阻之嘆

五首

暑阻慮難周絃促調不緩風雲徒情嘆濯熱爲誰纂

昨在泉上期結念在晨晚折花信延佇欲往心莫展

二

心展會有時跡乖難重期自我別林岑倏焉周二暮
物靈賞不延神往情詎移想像北池遊回橈驚南漪

三

南漪亂渚烟北池弄清漣芙蓉發錦苞白石響礧泉
慮澄美莫致景入情更牽攀英遲來迹倚壑悵周旋

四

周旋懽莫同回策入雲峯陽崖巨積雪六月如嚴冬
若人竟何乘孤遊邈難從倘遇仙潭鯉露我躡雲蹤

五

躡蹤誠靡尋佇瞻勞我心高高望雲霓橫絕天中岑
遊泉嘆昔女隔阻匪惟今投桃遣來使倘惠瓊華音

將赴南邑借丘長公巾車

北遊情未斂初吉復南驚積疴長登涉但焉憚修路
控銜力不任執綏性有慕願蹈高賢轍懼在邯鄲步
諒茲無憾心庶慰車中顧

襄陽篇奉寄同知李公

晨登大梁城南望襄陽郭漢流趨何急樊山氣參錯
樹高風來集道大惟淹泊投沙理雖迫召賈恩非薄
幸且便山郡聊遊謝羈縛仰攀躡孤岫俯眺聆大壑
寒江歛夕霽遠岩映林薄習池宴山簡英寮敞翠幙

偶同攜葛強飛翰凌觴酌歸聞銅鞮唱行和峴山作
覽跡驗物理觸嘆徒今昨沉憂亮無益流坎任所託

寄題隴州閻氏林亭

出處信不易卜築豈在遠聞君壯年日頗此遂仰偃
創基倚北阜開窓面層巘雜樹莽蔚蔚長流激清淺
跡異願不隔路阻日遂晚愉悅各殊趣幽意不逮顯
春風翻深谷裊裊葛葉展代耕與灌園垂老付所遣

送張六還京口

雲黃風色歇送子逾修畛野風吹江樹波水清且緊
歸舟本自騫况值順流穩金山會當聚別暫情可忍

送裴生京師

大江積風雨驕陰久我仇懷役念戈及潢潦憂中疇
戚戚感物慮况子行遠遊鬱哉朝宗心殷勤眺風洲

贈鄭淳

路繇家室怨久別誰柰苦荏苒及春孟永消舟莫阻
臨觴嘆河邁指景趨前侶汀曲帆易隱勞心望徒佇

贈李僉事衢

處世寡諧合營道無貞心緬邈伯牙絃嘆息誰爲音
竊祿匪我志隨風豈能任所以棄朱紱窮年臥空林
君子枉榮顧駟馬一何駸輕蓋蔭白日軒車匝庭陰
宴晤及春期列筵享同襟日快淑氣草耳聆悅時禽
肴至弗徒歸觴舉恨不深末路校通塞鑿止無飛沉

託意誠匪殊在遠固宜欽願言附松蘿子其斷堅金
將赴江西寄別殷伊陽明府

引年豈必老求志不在奇曰余逾壯齡遭斥還山棲
事與北門合跡擬東陵齊滅音謝人徒四暑忽逮茲
向平果遺榮謝安終徇時詎意值嘉運末照及葵藜
簡書下我廬急遽誰得辭迢迢江西帆別當首夏期
束裝逐流潮改服團炎颶情鬱爲念故寄重慚余卑
虞絃改自調孔鐸湮誰持江漢誠暫浮匡廬寧久羈
返貞意已堅抒懷告心知

鳶山訪汪氏因贈

昨余發弋邑急霰舞鳴湍灘高果莫泝改騎凌層山

山層水復曲歲晏嵐風寒捫蘿冒嶮艱踏冰涉洄沿
日入達平夷倏覲君子關清溪交遠坳高松夾路間
遺榮靡所希時仕義乃詮未羨焚魚高頗欽奇字傳
矧伊連枝芬慰我同心蘭繆綢促宴筇曙猿響南巒
冬日撫州贈友

晨光鬱將布時嚴氣自懍陽也諒匪力厥陰無亦甚
時極理終固情成勢難寢徒然江漢紀莫制北颿凜
寒湍落孔家霜色峻石廩甘菊冬始華赤樹紛如錦
校閱纔及旬勞拙遺安枕旣已阻携玩胡由接芳衽
擬峴行共陟寄言備醇飲

內弟玉園庄歸

逾年始及村日入復言歸言歸亦何爲景異情難持
沙禽噉噉鳴園林收暮霏暮霏轉急湍春草碧漫漫
我行已逾堤我心念猶攢志往物不隔室遠詎無端
誠乏靜者慮郊野豈徒安

悲悼七首

內弟左國玉挽歌

滔滔水東逝靡靡日西馳日馳雖更晨水逝無還期
清醕滿華尊鳴琴在旁茲門堂不改故若人竟何之
天枉獨兼今疑澄究若斯二紀罔自保千秋寧詎知
情慟道與結感往志彌悲皇皇徂暑月捐我就郊岐
故築即新墳廣路席前基狐兔夕向啼芳麻延碧滋
解缺心已許回轅痛豈欺永測游魂理徒此眩盈虧

改營外舅大夫園域

貴賤無二死賢愚同一丘明公昔謝世跡駭理夷猶
夷猶及茲年墓木拱已稠志决物可賛運旋情更酬
悽悽臨壙穴崩迫覽陰幽昔爲美丈夫今與腐者儔
枯骨蔓草纏劒珮攢虬蟬痛沉祗愈迷神期竟何遊
名崇壽罔積露墮蕙先秋芳塵滿華屋故馬咆行輶
改園僅逾阡穿地即我謀方期枌檟成庶紆生者憂
爲惟國士遇因慟遂成謳

熊御史卓墓感述

幽幽山下江峩峩山上松纍纍松下墓瑟瑟松上風

慨昔與君遊並遊京華中
我冠省臺內鳴鑿趨步同
中更嘆莫借永逝當何逢
絕絃已易慘挂劍今誰從
駕舟亂回洋展墓臨高崇
浮雲駭南流顧望摧我衷
德音既長已情感胡由通
祗餘泣麟意悲歌傷命窮

徐子墓

晨興駕我車行行造古墓
墓門一何寥踟躕久延顧
白阡修且直青松夾中路
借言葬者誰漢時徐孺子
麟出諒不偶龍潛竟何以
我我東都會藹藹青雲士
一鳴爭及時邁跡歆先軌
冠蓋紛若雲車馬闐京里
鳴玉氣自振排闥情難已
鴻鐘有競勲大策無停紀
斯人獨岑寂哀嘆勞心理

溫太真墓

雙鷲識妖端一馬前休兆
中原旣板蕩臣主同奔峭
長蛇恣吞噬白日掩孤曜
心違祖述輯事躡扶風嘯
康屯見斯人辱已捋機要
建侯竟誰功江介無飛旒
勲成身乃殂天逝徒心悼
側惟盈縮理虛咎然犀照
遺墳闕清千古樹寒新廟
來阡莽迴鬱弭節紛延眺
載瞻徐墓邇益壯風流紹

澹臺熾明墓

子游昔幸邑邑有澹臺公
非公不見宰不徑垂無窮
身歿埋豫章豫章乃城中
長松何寥寥石墓堅且崇
崩館晝常陰古樹多悲風
丸丸擁墓藤垂垂網戶魚

喧寂本異感慨惋當何同道伸固難滅瞻睇搖晴虹
孺子墓夏謁

懷賢意實勤展謁良已屢手茸蔓草盛間關夏禽哺
野蔌延竹戶丹華綴高樹徘徊想故榻留連果誰遇
詠物四首

孔廟松

夫子廟前松童童一青蓋盤拏若蒼龍借問自何代
靈籟度笙竽古色積烟黛森翠中鬱彼風雲會
絕勝講壇杏應並闕里檜

犬詩二首

警夜力不贍逐兇非所任吠花春院閉戲草日移陰

家貧稱戀主時乖堅始心

二

吠厖聞昔詠走盧欽故名遊園方載獮重鉤寧自行
發踪難可遇露草空含情

詠信州茗和鄭子

厥草有佳種靈味固無匹豐內謝華榦卑叢類謙抑
陽和散林彩修修吐英特濯影金屑泉敷芬玉巖側
完馨重伊始溥露浥其色采掇屈柔腕製之成我德
三緘附貢品遂辱君子食入鼎沸銀浪隨風可傾國
滌煩古有經通仙詎堪惑

空同先生集卷第十二

空同先生集卷第十三

北郡李夢陽撰

詩

五言古詩四十七首

游覽

余懷百門山水尚矣頗有移家之志交春氣
熙忻焉獨往述情遣抱四詠遂成示同好數
子

自大過渡河趨陂沙岡

陽武詠懷陳平張蒼遂及博浪之事

覽遊百泉乃遂登麓眺望二首

登大梁故城

德安趨潯陽

宿圓通寺

釣臺亭成

臥龍潭

白鹿洞徧覽名跡

始至白鹿洞

陟嶠

廬山秋夕

落星石

泛左蠡

騎登謝址復舟觀于石壁

南岩寺

赴懷玉山作

至懷玉山會起書院

薛家樓宴

曲江亭閣豐城縣

發豐城屬江漲風便

武陽抵進賢

自南康往廣信完卷述懷十首

廣獄成還南昌候了十首

游覽

余懷百門山水尚矣頗有移家之志交春氣

熙忻焉獨往述情遣抱四詠遂成示同好數

子

魯連蹈東海介子逃西山方舟信超越巖徑安可攀

揚烈猶靡懲置金徒嗟嘆伊余秉拙訥薄遊及茲年

急湍有奔桴迫路無停轅慘慘滄流月悽悽沙塞烟

徒欽靜者意未遂同袍言偶耕慕龐公岩棲景焦先

捫衷諒有持顧已竟誰諉復來感方寂解作憂更牽

抑心二十載始別金門還積疴謝人徒頗與踈遜便

眷茲丘園榮豈美場苗篇

二

浮海傷困窮逾河嘆誠邁濯纓萬里流高視九州外
功成奔運徂氣至流颺代凄凄秋柯零冉冉春條媚
周覽倦河壖孤悰冀岩瀨道以沉寂超賞與崇深會
豈惟超遠情亦因謝塵籟幸想山中人風吹女蘿帶
折麻凌險岫采秀越森蒼眷彌志終申獨往竟誰礙
亭亭太行峯萋萋百門對抗手別故權乘雲弄烟瀼

三

閱圖訪名竒久欽蘇門山危峰羅縣牖積石噴鳴泉
情吟激衛女嘉遜招古賢出遊結夢想神往理誰詮

連岩既鬱紆迴渚復絲芊猿吟曙霏豁鴈泊暝陰還
杖策躡丰茸解裾濯潺湲仰視遊雲翮俯察戲藻鮮
覽物慨幽存撫化懷冥筮况逢春華交更此眺孤烟
畢婚非達生一嘯復何言

四

山客戒明發朋故來攀留岩潭窈叵測險徑增離憂
曰余負幽僻誦古歆遠遊陟懷康樂屐浮美鴟夷舟
探討傾子長浪迹多阮侯若人不可作瑤草竟何酬
事往悲易深情存道難侔以此激孤詠喟焉睇滄洲
安波有覆艦坦路無全輶危虞豈在嶽薄劣終見尤
願附綠蘿緣永與棲者儔

自太過渡河趨陂沙岡

凌春遠行邁游目恣泐越漸辨林中曙遽失霞上月
觸物誰爲情悲嘆曷可歇載登隋疆場况眺宋城闕
陽坡散初柳陰曲峙寒雪只此判氣候豈必殊燕粵
潜潜濁河駛粲粲晨風發揚帆截驚瀨倚棹望窮髮
鳧鴈眇難即汀蘭翠堪結美人旣莫期天路復幽絕
陂岡鬱參錯岫沙皓明滅日暮孤雲興何以慰忡悒
陽武詠懷陳平張蒼遂及博浪之事

玉璽戒不力金鏡淪無光大人旣龍興烈士亦鷹揚
伊人各乘時矯若孤雲翔韓椎豈在屢秦氣日以喪
六竒佐揮戈五運開靈昌時來屠沽奮跡往英雄傷

平生冀風期况乃逾故疆灑淚越修垆含凄遡河梁
古墳密嵯嶢春沙鬱茫茫徒瞻松柏路詎申椒蕙芳
遺榮竟何尤任智終自戕羨彼赤松遊援筆即此章

覽遊百泉乃遂登麓眺望三首

束髮懷幽竒覽籍冀有遇來登百門泉果協佳勝趣
恣恣圓波踊藹藹浮陽聚止坎滄泓洌激石迅湍注
昔聞滄浪濯今解川上喻豈惟傷衛歌兼以發蒙慮
况值春序中群物已改故旅蒲冒清深鱗介各有慕
行羨浴渚鳥靜對栖雲鷺若禿禿潭影林謁變朝暮
極目北上帆朝宗感游寓

發鞍憇林木杖策陟陁岷巖連嶺參錯洲曲岍迴轉
白日麗蘭薄原綠靜如洗嘯臺旣清峻行窩更幽緬
慨念昔時人瞻望淚已泫薜荔夕搖曳蘿徑復誰踐
碑板半磨滅石門積苔蘚代異道豈隔事邁迹空顯
獨采石間秀春此何由展逝鵠無卑音潛蚪厭汗淺
曠哉古今意難與世人辯

登大梁故城

登高與處卑由來慮多端登高尚寡悰處卑焉能懼
以茲歷荆榛寒衣躡嶺岽土壕帶陰風樓櫓危急湍
岩岸苦崩奔葭葦何湯湯周望鮮故物俯察多憂嘆
潛魚葺其鱗驚鳥無停翰雲浮誠不任淵沉諒何難

終附岩穴棲斯地非我安

德安趨潯陽

始征晨風息雲流日色展登陸艱且澁厲澗一何緬
維時仲秋交颭颭林颭卷綠竹垂我車丹花映行幟
冒巒維有松繡石盡成蘚攀蹇雖多悅巨頓乃勞倦
日中迫廬岳蹊徑愈回蹇雲湧連遙嶠雨暗失近巘
奔崩萬壑會嶽絕一徑轉遽訝川梁沒幸遇石瀨淺
道以習坎利用待旣濟顯介石諒益固巨川豈遂眩
誰哉能豫謀隨寓斯可遣

宿圓通寺

曉發蒲亭邑暮投石耳峰僕夫困霑濡山雨猶響松

茲壑况采阻顧望惟溟濛幽岩託層房豁然臨狻江
竹修苞北基巖峭垂南窓俯觀裊戶蘿仰聆走簷淙
挹此暫足遣逖想情難降陶公有遺墳黃子留孤踪
通止良固殊羈縛誰爲棕坐聞吟猿暝穉令歸思忡
釣臺亭成
颯颯風澗瀉纍纍山石峻卜構倚岑削簷楹闕奔迅
俯之纔一壑仰面已千仞譔游竟日夕載色掖英俊
故杉改新蔭魴鯉况充牣本輕任公釣詎慕庖丁刃
素飈裊延蔓商氣斂芳潤臨深悟邃奧覩逝識大順
却笑矜名子羨魚一何吝

臥龍潭

出遊青天礪遂至臥龍潭重岑上無極白日蔽寒嵐
巉峭詎能步嶽絕誰可探歷石誠巍倨捫壑驚訝谿
我行值秋季霜藟搖匡南午攀日忽夕足倦情逾酣
雷瀑響岩澗孤花媚澄渚撫似悟命意循跡想名庵
庵廢人踪絕岩剝文半滅世異坦道塞慨茲忍能說

白鹿洞徧覽名跡

情高忽凌厲步健輕巉緬葛弱亦須捫崖滑每獨踐
涉清愛重屢探阻遺驚眩始茲陟五峯遂憩松下巘
岩桂紛始華石耳翠可卷追想白鹿跡伊人竟何遣
觸端緒自縈薜荔况在眼慨嘆意莫置顧望日已晚
夕湖浴岑峭流光滅蘭坂命酒寫幽獨鳴琴且游衍

始至白鹿洞

曠哉超世志，緬邈平生思。鬱壹眷名跡，久注匡山陲。
南涉枉嘉命，果諧夙所期。仲秋岩壑清，宮館復在茲。
白石激寒湍，岩蘿裊空基。黯傷逝者往，密慚來者追。
性同道豈隔途，異理空悲興。言懷昔賢日，竟眺前岐。
榛荒徒鬱紆，林崦一何采。感情匪哀嘆，聊詠昭言垂。

陟嶠

伊昔謝銜歸，志頗諧綸釣。甘追河上跡，切慕蓬池嘯。
孰知紫芝慮，竟荷青雲耀。值秋歷江郡，弭節登廬嶠。
沉深九壘秀，峻極千峯峭。錦繡亂岑嶸，晨夕改觀眺。
晶晶游氣斂，皜皜寒日躍。飛瀑信雷邁，奔峽還龍躍。

耽遊遽忘歸，久住輕時誚。天池絕亦捫，石鏡拔可照。
矧茲二三子，芬馥含清妙。霜嵐澄西夕，從歌傲希調。

廬山秋夕

山壑寒氣早，日夕風色緊。火流桂將歇，霜至蕙草墮。
蟋蟀集澗館，禾委被疆畛。感物憂自攢，排遣情詎忍。
年徂身與衰，時棄世所哂。躊躇夜不寐，起坐萬念軫。
崖傾月西流，嶂曙松猶隱。噉噉露猿啼，行行采芳菌。

落星石

千江勢欲倒，蠡門支孤嶼。輝輝雪崖映，洶洶湍瀨拄。
霜水落丈餘，石角露齟齬。探竒犯蒼涉，停旄挈賢侶。
塞裳入松寺，倚竹望風渚。崩奔亂帆下，蔽曳波鳥舉。

秋空澹明澄浮山互吞吐靈根合道蘊曠蕩豁徧阻
貞靡亞砥柱險可並灑瀕不聞永嘉勝祇因謝公許

泛左蠡

辭山意不悅水泛暫可樂微風逗帆席日鏡展光耀
揚歌蕩溟昧鼓柁極窈窕指顧異晨暮俯仰改觀眺
出沒湖中山明滅海上嶠素輕左蠡險今覲石壁峭
謝屐久已蕪陶磯寂誰釣解吟松門詠令人發悲嘯

騎登謝址復舟觀于石壁

奮鵠有奇翰古鐸無追響游雲跡易滅嗚世情難想
昔吟瞻眺詠今覲湖中賞松門旣岑峙川水深以廣
昏旦候自變伊人竟焉往岩剝徒空嵌堂基鞠爲莽

扉徑不可識悲愉異今曩石壁屹寒岫葛岬嘯颺颺
攬馭意已極登舟抵彌惘抱茲久延佇遵渚路回在

南岩寺

岩高屯屋巨谷邃至跡罕仰之訝天缺登頓徒雲滿
木零鶻巢露松冷猿嘯緩一滴聆不厭五級裊可踐

赴懷玉山作

始臨清溪寺不謂茲路艱崎嶇踰南嶺轉見山鬱盤
重陰起北谷秋雨響前巒志定邁孰禦勇往竟孤攀
挽葛接懸狖架木凌飛湍律律若壑變颯颯嵐風寒
隔港望繩岫亭亭已雲端

至懷玉山會起書院

冒險登雲峰，雲湧風不卷。淒淒松霰響，濡濡竹露泫。
沾塗意已困，覩構色頗展。故堂改頽制，新築負幽巘。
伐材但芴谷，礮石况非遠。清渠激修溜，巔畝曠以衍。
偶至若期遇，天定固良鮮。仰止古有訓，靜成力可挽。
祗虞遊業子，捷徑爲世堯。

薛家樓宴

閑遊北城隅，俯視清江郭。洪川帶名都，形勢自相錯。
樓觀藹鬱鬱，街巷紛以漠。北城良已高，况陟城上閣。
輕裳拂倒景，飛檻聆天樂。夕山一何蒼，夏潦彌井絡。
衝風激回流，玄雲駭難泊。暗觀逝者危，遂悟居者樂。
慷慨亮易感，捫心果誰惡。夷險非我爲，彈劔且盡酌。

曲江亭閣豐城縣

纜舟金華潭，遂陟岡上閣。踐徑阻紆鬱，若水光參錯。
夏林一何清，餘雨浙未落。高覽景自異，况值晚霽廓。
夕日明錦湍，歸雲擁華薄。近山聿蒼翠，遠嶺復岑嶮。
曠蕩感遇寓，俛仰嘆今昨。不見往者悲，祗覩來者樂。
顧瞻大江流，愈恨代謝速。源湧竟誰禦，謙守諒能曲。
所貴遺榮名，覩義願有勗。

發豐城屬江漲風便

午晴發豐邑，挂席遡修瀨。潮起果諧志，風助利擊汰。
棹歌落日上，滿目波嶠外。巨川信易涉，貞固乃宜戒。
武陽抵進賢

大宇流玄化生情互陰朗積霖夜猶注寒陽朝遽上
蕭蕭晦色斂晶晶川水廣楓林一何赤沙嶼鴻競往
涉河歷紆鬱登嶺暫停鞅撫江信縈帶鐘陵氣弘敞
荆俗雜澆厚徵賦則邦壤佩刀豈民性剪戮嘆幽枉

自南康往廣信完卷述懷十首

越旬不出門所值疑初覲長湖迄華岳融景魄澄秀
鼓柁聿行邁覽物每欣邁飄飄順帆風透遲斂雲蒼
鳴鶴矯豐田文魚駛閑溜有生孰靡適時及異榮疚
彼哉吾豈仇乘運視所受履茲良已快廼餘足云究

二

迅風會高雲逝逝曷能已朝聳冠劒馳夕暮遭壘繫

榮辱邈何因嘒嘒昧成理湖程莽復闊灘溜于春駛
蕭蕭東鶩吼晨夜不得止仰睇啼柯猿俛傷躍清鯉
一言季布召斥以一言毀從古誰靡然寄語求金子

三

金閣簡英儒玉書托紀綱絲言一何諄黜佞掄圭璋
澄清有夙愮攬轡誠慨慷聿茲歷三始矢志千載芳
風波駭非意多口亂否臧九閭眇以玄欲扣六羽傷
所司專愛憎威刑喪厥常彼方聳輕蓋寧知差道傷

四

淵雲諒殊性予豈經世倚馳驅二十祀學宦寡諧謀
昔斥還三河誓言束林丘靡堅今咎誰畜志竟莫酬

在難歸貽阻眇焉痲前修陟崇望波嶺翔雲駭西流
春羽振桑榆念之心形仇東徂嘆伊始懷哉俾無尤

五

朝離傍羅浦東至龍潭宿戢柁候明發獨寤守空曲
宵晝有常理欲往不獲速多慮良攪眠強置復攢觸
起立萬動寂湍響應鳴谷驚風臨岍激高月散春木
絮雲吐岑岫玉繩低以屬慨哉復奚道徘徊至天旭

六

一氣噫太虛吹萬良不同伊余就幽役春序奄已中
芳辰下霜電寒暄垂故風北柯沮靡榮南林曷由豐
臨門翳孤松悠悠慨初終張儀相六廷虞氏哭途窮

七

首陽之長薇洛都鞍馬雄天定俟何時詠言摧深衷
雲和易成霖羲陽一何冥淹哉沮洳區佳日閉我扃
覆瓦僅蔽床頽壁支數櫺凄飈驚中帷電霰時復零
天道有常垂萬殊誰竟寧子期久已徂縱陳孰爲聽
當道有豺狼瑣言訾螟蛉習坎固終利從茲倣無形

八

靜居百慮屏孤樹廼墻隅奄茲華葉更搔首睇淹如
時雲布靈谷天令震高衢霖潦灌百川萬壑寡安魚
東京構黨禍郭子逝于于伊匪三顧勤孰崛南陽廬
涼燠非力排裘葛從所須龍蛇翳厥身孔替寧我諛

九

赦者小人幸臣誠小人儕匪圖軒蓋榮山海有奇懷
禮法無復拘評者靡我排思夙慕華貴振鞅登要遠
烜赫豈不快寤寐憂所垂識幾旣不早今戀非鄙哉
乘桴越洋濤采蘭及春滋于焉可佳客龐叟心所期

十

一夕復一辰倏忽春務易雲葉布豐林蚯蚓盤我壁
田實仇片言厥怒一何赫笑謔有白刃千載乃露跡
倦茲掩陳記出戶睇高翮積譴聆民誣欲采不可譯
英驂振飛鞞出入勢輝奕衰哉彼何子躊躇祗沾臆

廣獄成還南昌候了十首

一淹經六旬揚舲復焉極脫然雖靡由事事嘉可即
依依春功奏朗朗維夏逼故茲波與嶺觸目異前昔
逸雲散歸雨川水浩崩溢挂軌趁風溜覽岍湊悲懔
昨猶置中兎今爲頑林翼邈言念先古展矣我心獲

二

直木防見伐茲言豈我欺若華耀四海孤邈疇見知
莊鷗運池溟舉翼九天垂風積苟不厚中路將安期
嘆息竟何語俛視川波馳溢霖驚洪濤千載固厥時
燕石一何珍有驥不自持野飈激靈襟逝言惋長岐

三

時至鮮枯林朱蘭被長坂臨嶠覲賢跡停楫暫遊行

靈雨吐葛花相葉已復展佳哉溪上邑流峙巨而緬
岑岑徐巖秀飛泉洒丹巘岩亭交景風裾帶時自卷
居高乃慮孤涉歷悟攸遣枚枚三陸宮千秋竟茲顯

四

餘干濱巨湖厥土曠以浮津驛暮何囂避之泊南丘
遣子省其母析擢詣江州明星波洄洄欲發仍復留
有端靡絲微涓涓遂成流拊心實罔慚患來誰誠謀
紛綸及今茲事已遙尚憂志士常苦貧飢渴無我尤

五

昔遊東山日覽古肇新宮徐令實經營絃誦溢其中
閱茲奄三年離滯心莫同我舟非不維柰此西逝風

乃子胡德余于邁遠從公朝旦發龍津暮棲依瑞洪
湖山沒如拳波途浩難窮佇瞻有深懷貽誣勒堅崇

六

夕棲瑞洪渚遙覽渚北山相傳洪岬子乘雲自此間
履跡今尚存其人邈莫攀粵余登征途頻年涉間關
毀譽一嬰心寤言多所嘆於茲誠踟躕振衣躡前巖
泮水莽浩浩驚風蕩回川欲濟惜無梁飈輪儻中還

七

登艦脩五日覽接漸增闊洶洶北注川瀏瀏得縱壑
劇哉風水慮履順故靡豁高鳥厭塵集智士貴處未
交甫懷漢濱婉變情遽奪結駟匪不侈險至誰竟遏

沉身厥亦罕萬世惜不脫遥遥哀雲岑瑤草爛孰掇

八

明晦每無常人道豈不然歸雲徂靡餘日華耀清漣
戚愉繫為誰喟然想千年姑蘇寵宰詒越孤辭會山
梅將輔番君范子逝不還乖歲君子貧枉尋矜大賢
時霖潤萬物猶蕙乃同妍東門可棲遲歸歟聿奚言

九

陽鳥逝無餘觀者鷺與鳧青青澤淑毛刈之糞誰畚
經過問當年云茲夙屬吳歸命喪厥儀長雲奄西徂
撫床竟空言金陵乃以都桓侯威八州温氏闡雄圖
聆言愴我衷徬徨感終初混一今其時舟騁非爾虞

十

仲冬別豫章涉夏茲復臨涼燠殊厥時能不摧我襟
樓觀蔽泰清衆木凄以陰倚橈陟龍沙優游眺洪深
魚鼈潰驚流瀾駭遂至今中有夙縱鳧振翼回哀吟
波阻杳莫即馳景忽西沉抗手自茲辭萬世懷飄音

空同先生集卷第十四

北郡李夢陽撰

詩

五言杜體詩四十首

大禮三首

裕祭頌述

清廟篇

丙寅元日朝退有作

邊塞八首

從軍四首

屯田二首

塞上雜詩二首

游覽八首

功德寺

翠華山石

望湖亭

呂公洞

香山寺

平坡寺

天寧寺觀塔碑

鏡光閣

懷古三首

媧皇墓詩送喬太常

三忠祠

艮嶽十六韻

感迷四首

天馬

古意

遣興二首

時序六首

歲暮

苦熱

十五夜

十六夜

十七夜

小至

贈酬八首

贈徐子

七夕遇秦子詠贈

贈王御史十四韻

酬伊陽殷明府追憶元寄十四韻

與殷明府期嵩少諸山不果十四韻

酬秦子以曩與杭子并舟別詩見示余覽詞

悲離愴然嬰心匪惟人事垂迕信手二十

二韻無論工拙并寄杭子

暮春逢林子邂逅殊邦復有東西之感念舊

寫懷輒盡本韻

安南歌送許給事中天錫

大禮三首

裕祭頌述

弘治十八年歲除日作是時 武宗初即位

嗚呼大聖人肇迹或漁樵蒼龍戢其角志固無丹霄
德祖始側微濬葉開 皇朝禮蓋視后稷西南統羣
昭大哉九廟儀親盡敢不桃再遷及 皇熙世室闕
以寥袷辰復來集鳳皇鳴簫韶惟 皇率百辟孔祀
自今朝白日照寶旂御氣如絳綃將將磬筦鳴颯颯
靈旌飄恍惚帝醉飽諸王亦飄颻下有開國勲偃蹇

羅金貂愚臣叨對越精魄爲之搖鼓鐘送羣公玉戶
風蕭蕭唐侯昔踐位十八號神堯 皇實秉敦默龍
性無道遙道合天人際志與神明超降祉倘冥漠四
海無征徑

清廟篇

巖廊肅文欽芳區恣幽騁寬糾豈異性拘曠本殊境
嶽岑路寢東森踈嘉樹靜珍叢媚朱夏秀幹揚修景
曳珞羣彥集拄笏萬慮屏仰望南城苑飛除帶崇嶺
巖危白玉閣要眇黃金井季主飾觀眺哲王擯遊幸
自非淵聖姿誰保天步永

丙寅元日朝退有作

赤赤大明朝皇皇啓八葉諒闇在冲齡憂勤績洪業
真人改革殊屢覩禎祥協春玉肇元載萬國咸臣妾
端冕御茲辰縹緲仙雲接神飈翊紫蓋翔龍舞浩劫
哲后畏天威惕若春冰涉古編昭日星有躡尚可躡
大哉五始義允矣三陽浹

邊塞入首

從軍四首

漢虜互勝負邊塞無休兵壯丁戰盡死次選中男行
白日隱磧戍胡沙慘不驚交加白骨堆年年青草生
開疆烈未已召募何多名蕭蕭千里烟狼虎莽縱橫
哉良家子行者常吞聲

二

從軍日已遠備茲途路艱驅車太行道北度鴈門關
天寒雨雪凍指墮曾冰間登高望虜境白沙浩漫漫
單于數百騎颼颼獵西山殺我烏玉弓赫然熱肺肝
安得奮長劍一繫名王還

三

別家亦云久昨得家中書書中何所云父母與妻孥
昔來抑依依素雪今載塗豈不念還歸天子西擊胡
登山眺故鄉存沒兩嗚呼丈夫死國讐安能戀里閭
生當取封侯怨別祗區區

四

夕處行伍間漸知苦樂情能蟠丈入鏡徒御不我輕
府帖昨夜下燒荒有我名秣馬待天曙肅肅寒霜零
左韃插雕羽雄劒躍且鳴日高渡黃河東過受降城
所羨狂滅胡富貴何足榮

一 屯田二首

葉落歸故根孤雲有時還凶年間里盡誰門今幸全
全者自何歸皮膚半不完百租叢其身欲訴誰見憐
吾家十八軍獨我猶從戰昨當戰交河左髀貫雙箭
本不識犁鋤况復千畝租三訴吏不語鎖頸投囹圄

二

日落蒼天昏奔馳吏下屯揚言科打使論丁不論門

老軍出聽叩老婦吞聲言邊城寡機杼耕種育兒孫
誅求餘粒盡竭力豢孤豚昨當統管來宰剔充盤飧
言既復長號吏去收他村

塞上雜詩二首

邊烽日夜至飛符來會兵羊牛入高砦雞犬皆震驚
壯士按劒起鞍馬若流星鎗急萬人靡笑上受降城
生繫五單于歸來獻天庭

二

胡兒追野馬逆蹄若驚鴻一馬帶雙箭隨我邊壕中
敢望不敢近踟躇各按弓抽身復北去天寒沙磧風

游覽八首

功德寺

宣宗昔行幸遊戲玉泉傍立宇表巖嶠開池荷芰香
波樓迤颯沓風松奏笙簧百靈具來朝落日錦帆張
萬乘雷霆動千岩滅流光綺繡錯展轉翠旗沓低昂
法眷撞鐘鼓宮女拭御妝笙鏞沸兩序星斗宿岩廊
至尊奉太后國事付三揚六軍各宴眠百官守舊章
巡非瑤水遠跡豈玉臺荒嗚呼百年來回首一慨傷
鳳騰赤霄暮龍歸竟茫茫山風撼網戶紫殿生夜霜
退朝值休沐我行暫翔翔娟娟登岸林慘慘度石梁
廢道哀湍寫松柏間成行啓鑰蕭覽歷過位增悲涼
積久洒掃缺乳鴿鳴膳堂舊時琉璃井倒樹如人長

神已佐上帝教猶托空王鈴磬颯鳴戛晨昏禮相將
盤遊非聖理操縱在先皇至今朝廷上不改舊紀綱

翠華岩

洞窟耶律詞其名翠華巖俯視聳觀閣仰面攢松杉
厥維何王代鬼斧開嶄巖精氣久削薄烟嵐鬱相攬
屢憩驗足繭獨往悲情兀入蘿畏石墜轉嶠驚日銜
飄飄萬里風吹我秋衣衫放迹慕康樂入道懷賀監
載思武陵避愈悵桃花嶽去住亦由人極目江上帆

望湖亭

來登望湖亭始盡覽歷妙布席倚岵岵波望領佳要
山花落天鏡鉤簾巨魚躍岩澗通隱見圓浪浴奔峭

岬嶽百萬閣日落展光耀羈縛阻延放臨淵羨孤釣
霜寒葭莢白沙晚鵠鷓叫吾非阮生倫於此亦長嘯

呂公洞

厓根豁一門甍石相撐拄豁訝自吞呬白晝亦風雨
陰處汎清泉積苔蔭鍾乳往聞茅山勝夙慕華陽主
路遐限孤往倏歷十寒暑經亘騁心目小憇借道侶
茲洞雖人境固足託茅宇惕然忽內咎我何戀簪組

香山寺

萬山突而止兩崖南北抱鑿翠置殿榭級石上穹昊
高卑各稱妙曲盡結構巧有泉如線縷盤轉出松杪
嗜竒忘登頓緣危肆探討險絕逼牛斗蕭颯若風鳥

夜宿來青軒天色碧可掃湖沙靜莽莽海月白皓皓
想當邦邑初此地只蒿草綺麗乞誰鑿石壑爛相裊
但看全盛時民力爲茲槁

平坡寺

西山萬佛宇爛若綺錦繡平坡憑風迥突出衆山右
宮閣因岩坳面勢巧相就百里見琉璃截嶼戴雲構
朋遊探絕迹杪秋歷羣岫得此目力展恍疑出氛囿
仰看北斗逼俯恐東海溜雄壓香山麗闕掩望湖秀
落水響岩牖寒嵐染衣袖延緬古今并佇立悲慨湊
盛葉慮反始危基有傾什千載誰復臨逆想蓬蒿茂

天寧寺觀塔碑

舊瞻天寧塔今覽天寧寺茲塔多鬼恠光芒夜夜至
不知何時殿結構今頽棄別蘇讀其碑識是隋文季
蝌蚪半剥落蛟龍猶喫鱗我來值時暮攬逝發潛喟
修陸控趙代長山衛燕翼蒼然野眺合一灑楊朱淚

鏡光閣

我生走紛境性意苦不適竭來鏡光遊不覺祇樹夕
鳥藏丹閣暮蕭檝柿葉赤杳如造岩壑閬其寡人迹
其王戴金冠天子之所客迓我蒼蒿下坐我紅罽席
落日入虛牖窈窕雲光白團團石蓮燈照耀錦繡壁
忽聞鈴磬發轉悵俗務迫靜躁本殊科利義各有癖
伊余竟何爲奔併阻行役乞君摩尼珠一照幸不惜

懷古二首

媧皇慕詩送喬太常

正德元年上以即位遣官禮百神

伊聞女希氏奮迹鴻荒日神功義農並吹簧豁陰鬱
熬極本寓言蛇身竟恍惚遺墓趙城側古廟松杉密
霍嶺峙嶺岼汾川眇蕩涵穆穆秉德臣肅肅奉瞻謁
祈靈泝遐躅明裡備精物天雖積清氣運久恐漏闕
徒煉五色石寥廓詎能越送子顧周道俾我心於邑

三忠祠

憶昔漢諸葛龍起荅三顧志決竟星隕嘔血爲軍務
鄂國與信國屹屹兩玉柱殺身不救國冤憤水東注

往事勒鐘鼎新廟傍官路慘慘冠劍並凜凜生魂聚
翠旗晚明滅往往鬼神駐懷嘆各不申翻然向烟霧
我征久奔迫過此感傷屢時來展肅謁繫馬門前樹
香臺野歛上羅幔虫蟻蛙烈士爲吞聲清風激頑懦

艮嶽十六韻

城北三土丘揭嶂對堤口黃蘆莽瑟瑟疾風鳴衰柳
云是宋家嶽豪盛今頽朽我聞帝王富東京實罕有
鑿池通嵌竇移山媚戶牖岌業樓觀合歛吸風雷走
岩陰翡翠吟海窟蛟鼉吼燕趙矜麗人搜剔克妃后
君臣互沉洎斯道詎能久嗚呼花石費銖鎰盡官取
北風卷黃屋此地竟誰守迢迢五國城二龍回其首

向使任忠良邦國得滅否余來值寒暮悲歌坐林藪
狐狸竄古壘破瓦沒藜藿孤城峙我前蒼蒼日將西

感述四首

天馬

天馬從西來汗血何歷歷天子顧之笑置在黃金櫪
嗚呼神駿骨草豆日蕭瑟瘦骼突硤兀銜轡掛在壁
白日涕至地青雲志拋擲朝望竭石津夕盼流沙磧
猶能肆橫行倘君賜鞭策

古意

有鳥何方來哀鳴向西北我欲縛此鳥天路險且棘
悠悠浮雲行照我暮顏色丈夫重幾微男兒死邦國

長鯨一奔逃萬網不可得平生反掌志對此空嘆息
亭亭特生杜道傍皖其實孤桐雖良材棄擲處遐域
而余竟焉往嗚呼淚沾臆

遣興二首

金陵固麗地幽薊亦名城皇天作南邦北斗開瑤京
萬國梯航入官殿造泰清大哉帝王居海岳自環纒
禹功肇胼胝湯也勤四征煌煌肯構訓聖人垂其情

二

四海爲我土九夷盡來王貢琛至北戶北至玄谷陽
我祖秉天鉞血戰開其疆當時受命佐一一皆忠良
噴薄倚日月萬古瞻騰翔乘運雖有時盛業當自強

時序六首

歲暮

軒坐意悄悄感此歲年暮一氣有肅殺昊天縱霜露
衰容挫萬物日月立復度赤驥初長成自謂中君御
揚鞭過都市萬馬不敢步天寒草蕭瑟側塞在中路
良辰不再至我髮忽已素不見古賢達盡被名所誤
沉吟惜蟋蟀延佇羨鷗鷺終然托遠適餘者豈足顧

苦熱

伏陰固當奮亢陽乃逾緬嘈嘈蟪蛄鳴樹杪風不展
上天收雷雨萬物沮沾洗推案忽大叫蓐馭何時返
赤日厚地裂揮汗無晨晚古時有虞舜彈琴理驕蹇

軒轅制六律四序無乖舛何當挽二聖吾欲遂仰偃

十五夜

夜陳芳宴會座有離羣友中秋而無月何以慰尊酒
賓主慘不樂周席盡回首向黑明鐙入雲景爛虛牖
尚覲光破滿時問陰薄厚吁哉至精物汝亦蒙此垢
上天悲隔遠人生怨分手月既有開塞吾寧息奔走
霜露棲蔓草疾風下高柳勸君聊盡觴居諸亦何有

十六夜

四海蒸爲雲三夜皆天風他方縱有月不照長安中
長安十二樓戶牖鑿玲瓏貴家金張徒高宴開幃幪
華燭代明月何必光遂通夕露久已晞懽娛良未終

迫塞詠有殊盛衰寧見同悠揚雲中魄旣滿還自窮
鬼神惡盈踰天道懷其公

十七夜

幽意竟不愜待月坐沙際夕陰固當豁明月忽墮地
桂枝沒半輪蟾兔職業廢姮娥飾粉妝愁絕雲樓闕
鸞憂不解舞竟夕掩孤袂崔嵬黃金闕何由訴天帝
景破力不敵光滿雲仍蔽徬徨步林樾爲爾一流涕

小至

日爲衆陽宗來往成謝代來之生萬物往以告成歲
亭亭羲和駕建此南飛旆雙龍服偃蹇流雲翼其外
和風卷凍霧重陰颯無賴樞知化工斡冥與天意會

大君肅嘉禮君子幸亨邁誰能助新陽爲我激靈籟

贈酬八首

贈徐子

偃王世蕪沒石麟亦埋翳徐子發東吳英論有餘地
龍遊滄波阻日出浮雲蔽嗚呼獻玉士竟洒荆山涕
光掩明珠棄寵奪西施廢古來共如此不獨君遭際
余本澹蕩人傾蓋託末契酣歌繼日暮醉酒無陰霽
各爲征蓬散吾豈匏瓜繫舊時南陽宅回首成迢遞
蹈海有夙期與子自茲逝

七夕遇秦子詠贈

皎皎河漢月照我西南樓七夕遠宿集置酒城東陬

展席對雙星盈盈隔中流豔豔靚妝女欲濟無方舟
神爽即易合茫昧竟難求明明君子德寡妣誰爲仇
豈無采唐約失身良見尤人生信齟齬世事良悠悠
不見古時人皓首猶公侯葵藿不餓死富貴安可謀
願繁場下駒盡我盤中羞我今爲秦聲子也當吳謳
酣歌達清曙臨分贈吳鉤

贈王御史十四韻

夕寒風自起集雪耀中宇朗月一何速早已爛芳醕
邂逅我蘭友設尊款清語連翩忽竟夜悲嘆爲故侶
瑤華雖莫折羽觴時復舉念昔青年日共矯凌風羽
啄食九天步宿必華池渚中路更險艱風波各失所

大明盪妖氛迴光蔭衰腐諸賢旣連茹王子豈羈沮
餘生實自慶追念良已苦撼促廣陵散愴惻山陽旅
事諧終合并感往徒心楚棄置且安寓懽娛弄尊俎

酬伊陽殷明府追憶見寄十四韻

弱齡負竒節志欲凌海岳白馬金陵來遊戲宛與洛
出從七貴飲醉調五侯詭妍華不見售讒巧恩愛奪
涼風卷團扇世路隨飛霍謫居宰山邑頗喜占名郭
川嶺鬱森秀烟雲日噴薄况當素秋霽清霜掃天末
龍門旣踈峻伊水復澄豁啓牖眺飛泉據案望岑嶸
獨撫岩中琴遙枉汴上作懷賢諒在茲感舊但如昨
徒然佇王鳥未果偕候鶴終期謝紛袂攜手向嵩岳

與殷明府期嵩少諸山不果十四韻

旅寓限崩迫騷屑隘煩務向來嵩少約屈指謂旦暮
豈惟攀時彥兼欲展秋步僕夫戒衣糧車馬亦充數
胡然泥行邁遂此墜垂選栽栽雲中峯阻爾獨何故
佇瞻風嶠突側耳石泉注夜來逍遙夢忽落高山樹
纍垂松猿噉澹沲岩姿露存已超彷彿醒若涉顛邊
彼美眇何許茲端愴難屢采蕙忌及晚我疾畏晨露
烟蘿四時佳春服易爲具河陽羣葩發振策冀有遇
酬秦子以曩與杭子并舟別詩見示余覽詞
悲離愴然嬰心匪惟人事乖迂信手二十二
韻無論工拙并寄杭子

憶年二十餘走馬向燕甸縉紳不識憂朝野會清晏
嗜酒見天真憤事獨扼腕出追杭秦徒婉婉弄柔翰
探討常夜分得意忘昏旦雪雨亦扣門僕馬頗咨惋
歲蕤香山閣首萃蓬萊殿登頓窮日力延攬侔壯觀
孔翠不易馴人生本無絆蕭蕭田中蓬隨風各分散
杭生比適越秦子遊灑澗南北兩文星光芒亘霄漢
余衰更乖謬挂一每漏萬夙遭青門斥差勝黃州竄
偃息於沙澤遊遨傍河岸秦也雖共區累月不一見
秦實困勞冗余亦怕梳盥何況阻疆域杭也江之畔
怲怲睽隔積鬱鬱歲年換無計脫煩促轉坐迫滋蔓
再讀並舟篇愈切山陽嘆誦言各欽德悲離古所患

暮春逢林子邂逅殊邦念舊寫懷輒盡本韻
赤驥奮途路神龍厭池沼不登泰山頂豈見衆山小
明公昔際遇志與青雲香爛承夕扉詔畚苦司隸擾
君乎實憤切軒然爭臣表朝野凜生氣樹鮮安巢鳥
名孤衆毀集竄薄憂心悄一投海濱郡遂守荒江眇
遼遼嶺南國借爾揭文旄中天行日月憂憂孤鶴矯
君雖關內產迹自閩中肇業從考亭入統爲橫渠紹
伊余放曠人漁潛侶荷蓀亡羊以多岐望洋徒浩漭
睽離歷十暑邂逅值春杪日談恨易夕夜坐忽及曉
苑花雖寂寂風絮尚嫋嫋回首通州別屈指日不少
今看兩白髮誰忍置清醪君行秉大軸吾歌入幽渺

林岑有夙愉烟蘿間裊裊誠無王良顧空山沒騷裏
安南歌送許給事中天錫

芳阡藉文轂垂楊綰鳴珂使君且勿發聽我安南歌
安南古夷嶼嶼蔚陂坳炎原吼象兕溟窟厖鼉鼉
爰自秦漢降憐怛尋干戈天皇操化樞環海無驚波
永執臣妾禮稽首心靡他珠犀走北陸翡翠供虞羅
王臣乘四驪駸駸金盤陀朝濟白藤江暮涉富良河
白日破蠻霧銅柱孤嵯峨雕題覩漢儀芭舞何傿傿
皇仁罄所宣紆征采民哦使君聆我詞慷慨不顧家
僕夫杖明鉞絳節拂林華樓船下烟渚鼓吹達海涯
空同先生集卷第十四

空同先生集卷第十五

北郡李夢陽撰

詩 五言古詩四十四首

長詩一首

乙丑除夕追往憤五百字

效陶體四首

田居左生偕二李見過三首

城南別業夏集二首

效唐初體一十七首

慶都篇

帝乙

黃衢二首

十二月朔

夏歌

湘妃怨

春曲

結客少年場行

俠客行

從軍行

出塞曲

銅雀妓

漳津夕眺

呂仙祠

三日河上宴集

詠樂溪

雜體二十二首

贈劉主事麟二首

湘江吟

春曲五首

朔日

槿樹

槿園

春情

遊寺

昇天行

春游篇

四清篇

正德四年七夕上方寺作

戊寅早春上方寺

夕集上方寺辛巳春

山中

置薪

九潭詩

長詩一首

乙丑除夕追往憤五百字

憶昔蕤賓初皇疾輟臨仗維日白氣亘黑風復排踔

俄傳天柱折忽若慈母喪帝本堯舜姿未履轉清伉

斂衽接耆碩高出文景上兩宮悅孝子九廟歆流鬯

毅然整六師霹靂無前向犬羊遁朔漠鯨鯢蟄溟漲
困冲不疑壽日表空殊相蜿蜿湖中龍一夕拔驚浪
回首哭蒼梧魂斷湘南瘴念昨下明綸臣也誠無狀
誓死叫閭闔伸頸甘磔益梁竇勢如灼漢廷色惆悵
皇乃西園游召彼侍供張從容杯酒間似讓還非讓
未剖青鎖封已下金雞放臣某詎足惜統體闡衰王
歷數古明辟聖節疇能尚逝欲碎臣骨籲帝不得廷
攀髯眇莫及痛哭橋山葬玉光動前星朱符闡靈貺
主器難久虛勉起答群望金木歟爲崇太白晝相抗
羯胡敢余侮吾徒盡乘障嗚呼榆臺役棄我六千壯
踉蹌戰士骨躡跋將軍韞二豎固輕率腐屍亦云當

所恨國威辱北鄙氣悽愴鉦鼓疑皇情何以慰宸况
悽悽建未月臨門遣征將紈袴作元戎京軍本浮宕
翻使沿邊卒束手遭篋掠擗雲中城誰復扼其吭
胡來風雨聲胡去橫拍唱千村與萬落人烟莽蕩蕩
嬰兒貫高槩志婦經衣桁狐狸叫破壘落日悄落莽
此輩誠鼠竊反覆亦難量騏驥駕鹽車虛名縛骯髒
世豈乏頗牧賤或執鞭杖瑣瑣登壇子飽之則飛颺
吁此良太枉國慨何由暢水旱而秋雷陰陽迭驕亢
皇天雖至公視之但块块臣當歷服始謬進大夫行
退朝實憤切欲吐畏官謗武王秉黃鉞師事太公望
列聖構梁棟駕馭亦英匠先帝升遐日臨榻召三相

效陶體四首

田居左生偕二李見過二首

習宦非我長官久計轉拙遭斥還田廬獲與初念協
樹藝良有期農事固堪悅飄飄緣原風晶晶明川月
披襟恣吾適既夏不知熱回思行役日寒暑靡得輟
踈懶古雖鄙任性亦可說膏疇矧豐蔚積潦復凄冽
白日皎在茲停雲靜如結爲謝二三子努力慰衰劣

二

去官今七暑漸與農務親隨宜諳土性言話群野人
時或遡微風行歌響空榛先民邈何攀慨焉傷我辰
慨傷適誰知所有二三賓文論日往來炯炯高義伸

炎雨回衆姿涼颺起修畛兀然林木下日入忘歸輪
玄蟬夕益聒去鳥一何頻野行畏多露無使侵衣巾

城南別業夏集二首

田居本自娛况兼林水情聿茲暑衣晨而與佳士并
挈榼遡芋絲臨隄弄深情娟娟浴沙鷺交交鳴枝鶯
雖非岩潭區閒曠足我營菰蒲裊寒陰隕果時自驚
有室矧伊邇遐哉謝塵縈

二

荷鋤侈高詠濯纓肆佳吟疇知稼穡場乃爾蒹葭侵
步風逾曾堤徙筵赴重陰於情既有托曠寓良自深
逶迤波上雲征征草間禽隋臺信已古魏城方肇今

驗物果足遣杯乾聊復斟

效唐初體一十七首

慶都篇

於昭開帝則蕩蕩協欽文高辛初纘服大舜復升聞
瞻依太古日悵望春空雲緩策遵墟里翱翔詠放勳
帝乙

此以下三首皆爲武宗大婚而作

帝乙歸元歲滄汭降高秋白霧凌蒼壁文烟結綵樓
楓陌三公引雲衢六馬遊行當瞻月馭佇想詠河洲

黃衢二首

黃衢會日月紫氣懸陰陽冉冉神龍下英英朱鳳翔

蘭烟凝玉閣桂月滿金堂禮先歆九廟德已合無疆

二

桂宮新降馭蠶室爛生氣曳綈成漢業采葛相周文
會奉重輪日先瞻五色雲秋明天路夕瑞雨碧氤氳

十二月朔

積陰凌紫極玄霧暗三辰黃龍游帝時萬乘若浮雲
六蚪何蚺蟻雜沓走天神明王熙庶載至敬達郊裡
玉輦親牛豕重瞳注鹿群精誠先百物咸德屆犧人
揚鑿回御道九宇冀陽春

夏歌

積潦溢廣澤炎雲翳崇臺玉階履綦絕紫殿生莓苔

螢流踈竹靜風動絡幃開佳期悵千里竟夕以徘徊

湘妃怨

采蘭湘北沚塞木澧南潯淥水含瑤彩微風託玉音
雲起蒼梧夕日落洞庭陰不知篔竹苦惟見淚斑深

春曲

萋萋百尺臺南臨大道開月明珠箔捲塵暗寶車來
英雄五都俠意氣萬人摧帶醉穿林徑垂鞭拂閣梅

結客少年場行

燈如列宿行月似九秋霜番番七貴兒燦燦五侯郎
雜沓凌香陌徘徊競夕光各携萬金劍結客少年場

俠客行

幽并豪俠地燕趙稱悲歌千金市駿馬萬里向交河
公卿贈寶劍君王賜玉戈捐軀赴國難常令海不波

從軍行

棄家從上將報主掃胡戎弩滿常隨月旗翻數起風
右指昆邪盡左盼月支空馳名紫塞外開府玉關東
不逢百戰日誰識萬夫雄

出塞曲

單于寇邊城漢將列長營旌旗蔽山谷鉦鼓晝夜鳴
乘我浮雲騎毅我明月弓竒兵左右出長驅向雲中
彭彭陣結虎颯颯劍浮虹一戰臯蘭滅再戰沙漠空
歸來獻天子長揖不言功

銅雀伎

帷飄雀臺上絃奏舞衣前群悲一以望春草爲誰妍
芳歲銷蘭怨流塵集錦筵爲問西陵道孰與漢家阡

漳津夕眺

揚舲亂北渚靡蓋望西陵帳殿牛羊下歌臺麋鹿升
日夕松柏路蕭蕭響風樹連沙改故浦空山沒蒼戍
徘徊望霸氣鄴城在何處

呂仙祠

孤遊逢呂跡永逝感盧生眷彼炊梁術契我遺世情
蒼山故國道落日邯鄲城陰陰祠宇夕宛宛曲池清
不見金芝侶誰聞朱鳳聲田廳穴桂壁野葛蔓松楹

寧知往來者不是寐中行

三日河上宴集

觸霽邁芳坳修夜臨長泊雖非曲觴飲聊異秉簡戲
波延拾翠舸岍匝尋青騎羽爵戀馳景鸞簫劇春思
群謠狎鳧鴈撫適懽同志亦以擴凡超流連豈吾事

詠樂溪

濯足荒溪口延望大江濤石樹環碧綵泉潭生翠陰
經亘涉清漣沿洄登素岑日暮樵響絕但聞山水音
鴻鴈遵渚飛麋鹿聚空林而子豈不樂其如兼善心

雜體二十二首

贈劉主事麟二首

駕舟越洪川飄風揚其波白日不可駐浮雲一何多
蹇芳涉比沚采蠹陟南阿悵我平生友傷此欲如何

二

濛濛孤舟夕橫笛坐烟浦秋綠被汀沙落鴈不可數
烈調千行雲激商復流羽曲竟和者誰佳人淚如雨

湘江吟

對酒歌綠猗歲宴懷佳人山寒翠袖薄微霰沾衣巾
空持紫鸞簫欲致愁無因日暮湘江曲浩蕩烟波春

春曲五首

維南有曾城下瞰梁上臺雄構翳雲日歌鐘暮徘徊
芳草徧舊畿山川邈悠哉

二

春城花烟滿杳靄生夕陰白馬繫芳樹繡袂彈鳴琴
樗蒲少年子一擲千黃金

三

綺閣俯通闌後有百尺樓並坐紫羅茵雙引青玉甌
楊花起薄暮糝糝繁芳洲

四

菁菁艷陽月鬱鬱美人思游絲罥白日炯若春風姿
零落垂手舞空傳白紵詞

五

借問美人居云住城東隅背有桃李館前臨車馬衢

十三妙歌舞十五冠名姝

朔日

朔日悲風起空除落葉平猶聞砧杵急已復剪刀鳴
一夜傳霜箭黃雲滿塞城

槿樹

槿樹依空砌寒時尚着花未能堪暮色徒自絢朝霞
寄語閨中女無多鏡裏華

槿園

槿園秋氣夕唧唧寒釐聚風回啼欲斷月落歸何處
爰悲在堂吟復詠山樞句感爾中夜興微霜下庭樹

春情

俗縈一何絲駕言春已分綠郊鮮行輪朱樹花將紛
鳴鴈起前墟浮陽藹東濱徙倚孤臺側佇迴送征雲

遊寺

褊心儔輩寡幽境每苔步絲鬱倚磴歇馮孤眺迥屢
洞塔陰古宇芬蘿裊澄樹佇觀野禽哺此外豈吾慮

昇天行

市居苦煩溽陸暑懷清波緬思溪壑側丹崖卷曾阿
仙人桂樹下窈窕攀青蘿我獨塵歎內營營欲如何

春游篇

古臺悲帝子歌吹餘春愁草綠夷梁野雲浮河海流
擊壺詠四澤鼓鐘眺三洲板條已無那駕言誰倦游

四清篇

盤松屹當戶修筠靜依檻羈遠桐絲澁蕭瑟鶴思減
歸傷園塢廢坐令荒穢斬彈曲憇踈蔭皐唳清露湛
正德四年七夕上方寺作

逸人厭囂俗達士樂閒勝乃茲城中林而非車馬徑
積雨豁新霽雲石掩秋映微陽下孤塔潦水夾明鏡
已疑塵寰隔况覩蓮方淨豈惟慕真覺亦以叩銓證
玄蟬共西夕浮雲本無定

戊寅早春上方寺

逾年罔涉茲過之門巷疑匪畏霜露展肯與春事期
徑蘭芊故叢苑松發新蕤陟丘念廢居升危眺回漪

抱以幽曠豁情緣悽愴移驚風迺虛塔振振空廊悲
得遣復安較勞生良爾嗤

夕集上方寺辛巳春

晨飈奮以厲夕林回晏溫郊遊悵伊阻駕言乃松門
春湖靜遙宇塔蘿裊清樽遙睇被原草近蹇臨水蓀
花雨時自落法雲凝復奔淹留遲寶月破此人徑昏

山中

山中雨乍歇一夜瑤草長風吹翠岩竹下應石瀨響
時來展書坐悠悠絕塵想

置薪

讀書古木陰置薪倚其根露零石徑滑雲起溪日昏

白虎啓魏觀金馬開高門君自薄簪紱難稱國未恩

九潭詩

峇峇千仞嶺下有百尺潭夕風起微瀾泚泚動晴嵐
俯之鑒我心佇翫雲波涵流蕤颺寒清躍魚手可探
蹊暝樵響歇猿鳥來相叅寄語泥中物長蟠恐未堪

空同先生集卷第十五

程